

BOSNA I HERCEGOVIMA  
Federacija Bosne i Hercegovine  
Tuzlanski kanton  
**GRAD GRAČANICA**  
**GRADSKO VIJEĆE**

Broj: 01-27-01413-2026  
Gračanica, \_\_\_\_\_ 2026. godine

Na osnovu člana 13. Zakona o cestama Federacije Bosne i Hercegovine („Službene novine Federacije Bosne i Hercegovine“, broj: 12/2010, 16/2010 - ispr. i 66/2013), člana 13. stav 2. alineja 5. Zakona o principima lokalne samouprave u Federaciji Bosni i Hercegovini („Službene novine Federacije Bosne i Hercegovine“, broj: 49/06 i 51/09) i člana 16. Statuta Grada Gračanica („Službeni glasnik Grada Gračanica“, broj: 01/23) Gradsko vijeće Gračanica, na sjednici održanoj dana \_\_\_\_\_ 2026. godine, d o n o s i

**O D L U K U**

**o davanju saglasnosti za izgradnju elektroenergetskog objekta  
STS-B 10(20)/0,4 kV „Husamovići“ sa priključnim 10(20) kV vodom**

**Član 1.**

Daje se saglasnost za izgradnju stubne transformatorske stanice STS-B 10(20)/0,4kV sa priključnim 10(20)kV kablovskim vodom „Husamovići“ na zemljištu označenom kao k.č. broj: 4034 „AVDIĆI“, prilazni put površine 18479m<sup>2</sup>, upisan u posjedovni list broj: 101 k.o. Orahovica Gornja kao Javni put sa udjelom 1/1, a u zemljišnoj knjizi kao k.č. broj: 4034 k.o. Orahovica Gornja, „AVDIĆI“, prilazni put, površine 18479m<sup>2</sup> upisan u zemljišnoknjižni uložak broj: 3298 k.o. Orahovica Gornja kao Javno dobro.

**Član 2.**

Investitor izgradnje stubne transformatorske stanice STS-B 10(20)/0,4kV „Husamovići“ sa priključnim 10(20)kV kablovskim vodom je J.P. Elektroprivreda BiH d.d. Sarajevo Podružnica "Elektrodistribucija" Tuzla, a ista će se graditi prema urbanističko-tehničkim i ostalim uslovima datim u Rješenju o urbanističkoj saglasnosti sa grafičkim prilogom broj: 06-19-01133-2024 od 02.07.2024.godine, Rješenju o izmjeni rješenja o urbanističkoj saglasnosti sa grafičkim prilogom broj: 06-19-03576-2024 od 09.05.2025.godine i Rješenju o prokopavanju javne površine broj: 06-19-01786-2025 od 04.08.2025.godine, donesenim od strane Službe za prostorno uređenje, geodetske i imovinsko-pravne poslove Grada Gračanica.

Svrha izgradnje elektroenergetskog objekta je priključak transformatorske stanice na distributivnu mrežu.

**Član 3.**

Objekat transformatorske stanice gradit će se okviru parcele k.č. broj: 4034 k.o. Orahovica Gornja. Početna tačka projektovanog kablovskog voda je spojnica na postojećem priključnom kablovskom vodu za transformatorsku stanicu STS-B 10(20)/0,4kV koja se demontira. Trasa kabla ide u pravcu juga preko javnog puta označenog sa k.č. broj: 4034, pa do novoprojektovane transformatorske stanice.

#### **Član 4.**

Radovi na izgradnji elektroenergetskog objekta i polaganju priključnih kablova iz člana 1. ove Odluke moraju se izvoditi tako da ne smiju ugroziti sigurnost saobraćaja, stabilnost i funkciju javnog puta, niti prava trećih lica, te se mora obezbijediti nesmetano korištenje puta tokom i nakon izvođenja radova. Investitor je dužan, nakon završetka radova, javni put i okolni teren dovesti u prvobitno stanje.

#### **Član 5.**

Ova Odluka stupa na snagu danom objavljivanja u "Službenom glasniku Grada Gračanica"

**PREDSJEDAVAJUĆI  
GRADSKOG VIJEĆA**

Mirza Okić

## O b r a z l o ž e n j e

Gradskom vijeću Gračanica, obratila se JP „Elektroprivreda BiH“ d.d. Sarajevo, podružnica „Elektro distribucija“ Tuzla zahtjevom broj: 03-72-3-6309-1/2026 od 24.03.2026.godine, za realizaciju projekta izgradnje elektroenergetskog objekta: STS-B 10(20)/0,4 kV „Husamovići“ sa priključnim 10(20) kV vodom na lokaciji Gornja Orahovica, Grad Gračanica.

Kako bi izgradili pomenuti elektroenergetski objekat potrebno je prethodno pribaviti Rješenje o odobrenju za izgradnju, u skladu sa Zakonom o prostornom uređenju i građenju Tuzlanskog kantona („Službene novine Tuzlanskog kantona“, broj: 6/11, 4/13, 15/13, 3/15, 2/16, 14/17, 22/22 i 20/23), samim tim i riješiti imovinsko-pravne odnose sa vlasnikom parcele na kojim je planirana izgradnja pomenutog elektroenergetskog objekta.

Kako se izgradnja planira na zemljištu označenom sa k.č. broj: 4034 k.o. Orahovica Gornja upisano kao Javni put, članom 58. Zakona o cestama Federacije Bosne i Hercegovine („Službene novine Federacije Bosne i Hercegovine“, broj: 12/2010, 16/2010 - ispr. i 66/2013), definisano je da:

*„Zaštitni pojas uz javne ceste (zaštitni cestovni pojas) je pojas na kojem važi poseban režim gradnje i uspostavlja se s ciljem zaštite javne ceste i sigurnosti saobraćaja na njoj od štetnih uticaja i različitih aktivnosti u prostoru pored javne ceste. U postupku izdavanja odobrenja za građenje ili urbanističke saglasnosti za građenje objekata i instalacija na javnoj cesti ili unutar cestovnog i zaštitnog pojasa javne ceste organ nadležan za prostorno uređenje obavezan je zatražiti prethodnu saglasnost, odnosno odobrenje od upravitelja ceste.“*

Članom 13. Zakona o cestama Federacije Bosne i Hercegovine („Službene novine Federacije Bosne i Hercegovine“, broj: 12/2010, 16/2010 - ispr. i 66/2013) definisano je da:

*„Upravljanje, građenje, rekonstrukciju, održavanje i zaštitu lokalnih cesta i gradskih ulica vrše nadležni općinski ili gradski organi.“*

Elektroenergetski objekat bi se gradio na putnom zemljištu, izvan kolovoza i putnog pojasa tako da ne bi bio smetnja normalnom odvijanju saobraćaja.

S obzirom da su ispunjeni zakonom propisani uslovi predlažemo Gradskom vijeću da Odluku usvoji nakon čega će investitor radova ishodovati potrebno Rješenje o odobrenju za izgradnju i početi sa realizacijom izgradnje navedenog elektroenergetskog objekta.